



廣  
新  
大  
學  
書  
院  
藏  
書

第  
一  
課  
第  
二  
課  
第  
三  
課  
第  
四  
課  
第  
五  
課  
第  
六  
課

魏  
校  
四  
學  
第  
一  
課  
第  
二  
課  
第  
三  
課  
第  
四  
課  
第  
五  
課  
第  
六  
課

廣東鄉土史教科書目次

下卷

第一課

何真一

第二課

何真二

第三課

唐至元之文學

第四課

明代人物

第五課

邱濬海瑞

第六課

陳獻章湛若水之學

第七課

諸儒之學

第八課

魏校興學

廣東鄉土史教科書

目次下

第九課

廣東始通歐洲

第十課

黃蕭養之亂一

第十一課

黃蕭養之亂二

第十二課

王守仁平惠州賊

第十三課

袁崇煥

第十四課

明唐王桂王入粵一

第十五課

明唐王桂王入粵二

第十六課

明末殉節諸臣

第十七課

尚耿二王再定廣州

第十八課

龍眼碇拒守





第十九課

王興之黨

第二十課

明之文學美術

第二十一課

平藩之叛一

第二十二課

平藩之叛二

第二十三課

鄭昭王暹羅

第二十四課

海寇之平

第二十五課

林則徐禁煙

第二十六課

香港之割

第二十七課

三元里義民

第二十八課

紅巾賊之亂

廣東鄉土史教科書

目次下

第二十九課

英法聯軍犯粵一

第三十課

英法聯軍犯粵二

第三十一課

張國樑

第三十二課

駱秉章

第三十三課

陳金缸之亂

第三十四課

鄧世昌

第三十五課

國朝諸儒之學

第三十六課

國朝之文學美術

第三十七課

國朝諸祿術家

第三十八課

廣州灣等地之割借

第三十九課 廣東近日新政  
第四十課 馮夏威

廣東鄉土史教科書

目次下

三





第一課 何真一

元順帝末。廣東侍御史八撒刺不花。殺廉訪使完者篤。據廣州三山。南海屬賊邵宗愚乘機陷廣州。殺之。守

將何琛戰死。賊焚掠居民極慘。時東莞人何真方集

義民保障鄉里。聞亂率眾往討。宗愚走還三山。真入

城嚴號令。禁屠掠。民大悅。元擢為廣東分省參知政

事。弟迪及驍將黃從簡。香山人皆擢官。賊將熊天瑞帥

舟師數萬自胥江。三水窺廣州。真擊走之。

廣黃鄉吏教科書 卷下

第二課 何真二

未幾宗愚復圍廣州。真拒戰久。城中糧盡。民食蕉頭

麻根。至煮皮籠靴鞵食之。無異志。賊乃退。會真有部

將與賊通。據博羅。惠州叛。真往平之。宗愚乘間又陷廣

州。殺掠尤慘。真率兵還。復克之。宗愚退走三山。時元

亡明太祖即位。使征南將軍廖永忠入廣州。朱亮祖

副之。真奉表降。永忠發兵討斬宗愚。真入朝。封東莞

伯。亮祖後鎮廣東。築鎮海樓於城內粵秀山。

第三課 唐至元之文學

唐時粵人以文學著者。首張九齡。次劉軻。曲江人。軻通

春秋三傳。文與韓愈宗柳元宗齊名。韓愈謫粵。南海區冊。

海陽趙德為其識拔。名亦顯。後有翁源邵謁。番禺鄭

愚。桂陽連州劉瞻。開建莫宣卿。皆工詩文。南漢時則鍾

允章。黃損。連州人。宋則古成之。增城人。余靖。姜唐佐。瓊州人

石汝礪。英德人。崔與之。李昂英。劉鎮。南海人。趙必瑑。東莞人

皆以著述聞。人元鮮有以文學著者。

廣策鄉士吏教科書 卷下

第四課 明代人物

明成祖時。御史南海周新。好直諫。世稱為冷面寒鐵。

出按浙江。多異政。為人誣奏被殺。後順德梁儲。相武

宗。以不附劉瑾。宦官力諫。親征宸濠。稱又南海霍韜。龐

尙鵬。龐嵩。皆著政績。而嵩為最。嵩官曲靖。雲南太守。以

其地獠獠雜處。乃為同文編。刻三字經。宋南海區適子作及

祖訓國律之關係。人倫者。因字審音。別為三類。其字

漢上夷下。以訓夷童。由是文化漸進。



第五課 邱濬海瑞

明中葉瓊南邱濬海瑞皆以學行顯濬仕孝宗朝嘗以宋儒真德秀大學衍義條目未具因補撰以進詔刊行之又預修英宗實錄明于謙之冤瑞仕世宗朝世宗專意齋醮瑞市棺訣妻子上疏極諫帝大怒下獄論死會世宗崩穆宗立復官累進吏部侍郎卒時葛幃敝簾有寒士所不能堪者瑞之學以剛為主嘗言今之醫國者只有甘草處世者只知鄉愿云

廣東鄉土史教科書 卷下

三

第六課 陳獻章湛若水之學

粵之理學倡於唐趙德宋有梁觀國南海人嘗著書闢

蘇洵父子學說之非明宣宗時新會陳獻章起講學

於其鄉白沙村宗尚濂周敦頤 雝程顥 以靜中養出端

倪教人開後儒心學之先其徒徧兩粵同邑伍雲東

莞林光增城湛若水皆最著而若水專信明道程顥以

體認天理為宗在京師與王守仁同講學天下靡然

從之稱其學派曰廣宗與守仁之浙宗對峙云守仁浙人

第七課 諸儒之學

明時粵人學派。陳湛前有番禺李德、新會黎貞。同時有南海陳英、番禺陳政。而香山黃佐先八世祖與湛同時。

其學恪守程朱。以博文約禮為宗。所著泰泉鄉禮。行

用最廣。祖瑜、父畿皆以理學名。又番禺王漸逵、南海

何維柏、倫以訓、東莞林烈、揭陽薛侃、博羅翟宗魯、歸

善揚起元、葉春及、講學鄉里。儒風極盛。惟東莞陳建、

作學部通辨。力指陸淵九守王仁學派流弊。世多推服之。

廣東鄉土史教科書

卷下

四

第八課 魏校興學

世宗嘉靖時。魏校為廣東提學副使。教士以德行為

先。甫至任。不事考較文藝。輒行黜陟。嘗令庠生陳激

衷南海人。李克忠從化人。教諸生靜坐。著體仁說。令其內

省。每晨入見。稽其所得。而開導之。粵俗尚鬼。校令大

毀省中寺觀淫祠為學校。僧尼悉還俗。禁巫覡勿祠

鬼。編其男子為渡夫。使校中諸生。三時分肄歌詩習

禮演樂。風俗為之一革。



第九課 廣東始通歐洲

自唐至明初。廣東互市。皆南洋諸蕃。洪武初。置市舶

司理其事。永樂時。又置懷遠驛於城西以居之。今七甫

孝宗宏治時。葡萄牙人既航海得印度。東略滿刺加

瓜哇諸島。遂抵香山縣南之濠鏡。即澳門。請租地建屋

巡撫林富許之。乃立商館貿易焉。其後西班牙荷蘭

英法等國接踵東來。歐亞航路交通自此始。萬曆時

意大利人利瑪竇等來澳。遂傳基督教入中土。

廣東鄉土教科書

卷下

五

第十課 黃蕭養之亂一

黃蕭養。南海冲鶴堡。即今順德蕭養。平後始析為縣。人以行劫被獲。

繫郡獄。蕭養潛使人納斧飯中。與囚十九人破械出。

劫軍械局。收兵仗。嘯聚海濱。旬日至萬餘人。正統十

四年八月。圍廣州城中。忍飢拒守。蕭養遂僭稱東陽

王。改元置官。據五羊驛。今城南清水濠。為行宮。四出剽掠。警

告至京。詔遣僉都御史楊信民往討。至則開城門。發

倉廩勵士卒。齎榜諭賊。蕭養剋期請降。勢漸衰。

第十一課 黃蕭養之亂二

會信民暴卒。賊復大掠。明年都督董興督軍討之。蕭

養聚船河南千餘艘。勢張甚。興縱兵奮擊。蕭養中流

矢。為官軍所擒。誅死。初蕭養犯省城。流劫至佛山。南海

屬有義士倫逸安。集眾合擊。斬其偽將軍。賊怒。大集

戰艦環攻之。復為所敗。同時有曹證。番禺人寄居佛山。

亦合十三鄉人。自備船械以拒賊。事平。粵吏請旌之。

又立祠以祀死節者。至今佛山稱忠義鄉云。

廣東鄉土吏教科書

卷下

六

第十二課 王守仁平惠州賊

武宗正德十二年。南贛閩廣盜起。惠州賊池仲容據

泃頭山。和平縣北僭稱王。橫水大庾。俱江西屬左溪。福建省屬諸賊

應之時。王守仁巡撫南贛。檄福建廣東會勦橫水諸

賊。自將討泃頭賊巢。誘斬仲容弟仲安。分遣守令諭

教訓等官。九道進兵。連破上中下三泃。斬馘二千

餘賊。奔九連山。連平州東守仁簡壯士衣賊衣誘賊。內外

合擊。擒斬無遺。因於泃頭設和平縣。置戍而歸。



第十三課 袁宗煥

明末遼瀋盛京邊臣當大清兵深入時力籌戰守自

東莞袁宗煥始崇煥有將才遼東經略孫承宗器之

使城寧遠屬盛京大清兵至崇煥發礮以拒圍遂解

未幾罷去懷宗立復命督師薊遼崇煥請以五年復

全遼太宗亦避其鋒俄太宗督兵入遵化直隸逼

京師崇煥入援大清縱反間明遂以擅殺東江守

將毛文龍罪磔崇煥邊事益無人明遂不可為矣

廣東鄉土史教科書 卷下

第十四課 明唐王桂王入粵一

明亡於流賊大清定鼎燕京先破南京執福王神宗

孫進平浙江執唐王太祖九世孫大學士蘇觀生東莞人等

迎立唐王弟聿錕於廣州兩廣總督丁魁楚等亦立

桂王由榔神宗孫於肇慶未幾我總兵佟養甲克惠州

用惠潮道印文給入東門觀生死之聿錕縋城走被

獲縊死宗室周益遼三王等俱被殺事定養甲令收

葬聿錕觀生等於大北門外象岡下今紹武君臣塚

第十五課

明唐王桂王入粵二

由榔聞廣州破奔廣西後死雲南大兵遂克肇慶時南海

陳子壯先受由榔東閣大學士職聞東莞張家玉順

德陳邦彥等起兵亦聚兵九江村約邦彥攻廣州不

克走還邦彥奔三水會麥而炫高明人復高明迎子壯

清遠白常燦亦以城迎邦彥數日清遠城破常燦死

邦彥巷戰被執死高明亦破子壯而炫俱執至廣州

不降磔死家玉走龍門收兵據增城大戰十日死

廣東鄉土史教科書

卷下

八

第十六課

明末殉節諸臣

先子壯等殉難者番禺黎遂球福王時嘗罄產治銃

械藥弩以資軍親督粵兵援江西萬元吉水陸大戰

三日遂入贛州共守累月城陷督兵巷戰死南海霍

子衡與觀生同時城破闔門死子衡同邑鄺露少知

兵工詩嘗遊粵西為孺女記室桂王時拜中書舍人

奉使還廣州會尙可喜等兵至與諸將力拒城陷抱

琴死其子鴻亦率北山勁旅千餘戰死東郊



第十七課 尙耿二王再定廣州

順治三年。總兵佟養甲副將李成棟克廣州。遂命鎮之。未幾。成棟劫養甲叛附桂王。出師攻江西。敗死。由榔以杜永和李建捷守廣州。七年。平南王尙可喜請南王耿繼茂帥師至。分屯城北白雲山。開鑪鑄砲。造攻具。相持數月。由榔遣陳邦傳等來援。不敢進。十一月。以新礮轟陷城北隅。可喜縱轡踰濠先登。城乃克。屠之。死七十萬人。杜永和等奔瓊州拒守。未幾平之。

廣東鄉土史教科書 卷下

九

第十八課 龍眼硿拒守

城東三十五里。有龍眼硿焉。硿人皆樊姓。明亡。土盜蜂起。樊姓築壘濬濠。植刺竹。環石塘。以自衛。寇無敢犯者。時尙可喜屯兵東郊。杜永和堅壁清野。以困之。可喜向樊乞糴。不應。且傷邏卒。可喜怒。攻之。失利。復燃礮環轟。彈及竹林。輒墮。百計攻之。不克。會霖雨。澆旬。官軍日以膏油噴灑其竹。乘風縱火。硿乃破。屠戮頗慘。輦其積穀。三日不能盡。時庚寅三月也。

第十九課 王興之黨

初唐王聿鏘死後。番禺人王興。收納亡命。踞廣州肇慶。接壤處之文村。築寨其中。奉聿鏘弟聿鐸為主。四出誘召。尙可喜。方攻瓊州。未暇分兵。順治十三年。遂帥兵往。作長圍困之。興拒守半載。糧盡。舉家自焚。聿鐸亦服毒死。同時化州龍門島有鄧耀。肇慶海陵島有李常榮。潛結臺灣。鄭成功招納。明故臣宗人。力圖恢復十七年。可喜。遣總兵張國勛平之。

廣東鄉土史教科書

卷下

十

第二十課 明之文學美術

明之詩人。如南海孫賁。王佐。番禺李德。趙介。黃哲。南海黎民表。吳旦。番禺李時行。順德梁有譽。歐大任。先後結社南園。文明門外。稱十先生。他若南海黃衷。高明區大相。博羅張萱。惠來蘇福。番禺韓上桂。郭棐。亦工撰述。陳獻章。黎民表。鄺露。皆善書。南海李子長。林良。張譽。東莞張穆之。曲江邱獨醒。皆善畫。而東莞黃貞之。

金玉竹石玩器。新會陳孟長之。民器。彫刻亦精。



第二十一課 平藩之叛一

王師既定全粵。二王留鎮廣州。俄以縱兵擾民。移耿藩鎮福建。康熙十三年。可喜請老。而撤藩議起。吳三桂遂反於雲南。可喜適病甚。其子之信愛三桂。僞封旋縛。僞兩廣總督董重民獻大軍。上疏反正。請進定粵。西聞吳賊寇南甯。退回廣州。俟賊散。始統隊復武宣。廣西潯州以大捷聞。部將張士選叩闕告其不法。上遣侍郎伊昌阿赴粵查辦。遂由武宣連之信回粵。

廣東鄉土吏教科書

卷下

十一

第二十二課 平藩之叛二

之信至粵。羈候於五羊驛。長史李天植往謁。不得見。遂與之信弟之傑等謀。謂獄由都統王國棟構成。襲殺之。將軍賚塔擒天植。鞠其黨。詞連之信。案成。馳奏。詔賜之信自盡。誅天植之傑等。尋命內大臣尙之孝。之信弟將濟下官兵。全撤回京。另調京營八旗漢軍兵三千。挈眷赴粵駐守。移鎮潮將軍王永譽統帶之。遂爲今廣州駐防官兵。將軍署卽靖南王舊邸也。

第二十三課 鄭昭王暹羅

暹羅在我國西南部。與其鄰緬甸世讐。乾隆三十一年。緬酋雍藉牙攻暹羅。滅之。會我師攻緬甸。緬酋國用日絀。徵取無藝。暹民大憤。推其遺臣鄭昭粵之潮州人為主。起兵逐緬人。盡復舊封。進攻緬地。四十六年。航海來告捷。未幾。昭卒。子華嗣立。亦材武。緬酋孟雲雍藉牙不能支。徙居蠻得國東境。以避之。五十二年。詔封華暹羅國王。後緬甸入貢。乃詔華罷兵。

廣東鄉土史教科書 卷下

第二十四課 海寇之平

粵故溼國沿邊多盜。嘉慶十四年。東路賊郭學顯張保。西路賊麥有金。最熾。時百齡督兩廣。甫至任。卽增戰艦。禁米穀出口。嚴備禦。郭學顯奪氣。先降。張保懼。亦有降意。百齡覘知之。單舸出虎門往諭。保率巨艦數百。轟礮揚旗。環其船作逆狀。齡危坐舟中。麾左右呼保。至曉。以利害。保伏地丐命。乃於香山芙蓉沙受其降。保遂進擒麥。有金於儋州洋面。全海肅清。



第二十五課 林則徐禁煙

英人自在粵互市。以印度之鴉片為大宗。嘉慶時入口歲止三千箱。道光中驟增十倍。湖廣總督林則徐力請申禁。宣宗命赴廣東查辦。旋補總督。責諭英商盡出所藏鴉片。焚於海口。而英商尚有私售者。則徐以故禁其通商。英領事義律突率兵艦攻九龍山。新安屬則徐擊卻之。時英艦泊長沙灣。虎門外尚私販鴉片。則徐與提督關天培密謀乘夜燬其船廿三艘。

廣東鄉土史教科書 卷下

十三

第二十六課 香港之割

則徐在粵。英人六犯海口。皆敗去。遂改犯浙東。陷甯波。又北犯天津。則徐竟褫職遣戍。更令琦善至粵議和。琦善盡撤各地兵。以媚敵。英佯撤浙東兵。突陷虎門礮臺。關天培等死之。上怒。逮問琦善。英復入犯。將軍奕山等勢屈乞和。連犯江浙。東南大震。道光二十二年遣使至江甯議和。償款二千一百萬。開上海廣州福州廈門寧波五口互市。又割香港。屬新安與焉。

第二十七課 三元里義民

當奕山等議款時。義律以兵據着定礮臺。小北下擾門外

至坭城西村蕭岡諸村。附郭西北之三元里九十六

鄉。憤起拒之。對岸之三山等村。亦聞聲而起。老弱饋

食。丁壯赴戰。凡數萬人。英將伯麥畢霞。領兵與戰。被

困斃村前。鄉人遂進圍者定臺。絕其接濟。義律大窘。

告急。奕山等遣廣州知府馳勸解散。親翼義律出圍

回船。款議定。英艦遂退出虎門。

廣東鄉土吏教科書 卷下

第二十八課 紅巾賊之亂

初。花縣洪秀全倡亂廣西。咸豐四年。佛山賊起。應之。

城北賊李文茂聚眾江村。為聲援。陳顯良起燕塘。東門

外。林沈澂又起河南。共逼省城。閏七月。顯良撲東關。

都司衛佐邦迎擊敗之。北路賊傾巢出。亦為同知林

福盛擊退。衛佐邦進討陳顯良。焚其巢。乘勝擣北路

賊。平之。顯良自新造。番禺屬突犯河南。聞沈澂已誅。潰

回官軍追之。賊盡由順德肇慶竄廣西。各路肅清。



第二十九課 英法聯軍犯粵一

先是江甯和約。許英五口岸領事。居附近城邑。理通商事。粵人請止之。不得。遂集團以備。咸豐二年。英人以軍艦至。請申前約。粵人譟逐之。遂再定約。不入城。六年。有劫匪匿英船。總督葉名琛捕之。英領事屢乞還不應。英遂發兵。陷獵德。番禺屬礮臺。俄退去。次年。有法教士被殺於廣西。十月。英遂糾法率艦入虎門。名琛惑於訛語。不與戰。僚屬請調兵集團。皆不許。

廣東鄉土史教科書

卷下

五

第三十課 英法聯軍犯粵二

數日。英突據海珠礮臺。發礮攻城。千總鄧安邦率勇與戰。殺傷頗眾。以無援。遂不支。十一月。英兵從城東北隅入。擄名琛下船。送印度。日出城肆擾。鄉紳羅惇衍率兵拒之。遂據城不復出。別遣兵陷京師。十年。和議成。開瓊州等八口互市。割九龍於英。次年九月。兵始退。英遂占將軍署為領事。解沙面為商埠。法占布政司署為領事。解距新城。督署為教堂。油欄門外

第三十一課 張國樑

張國樑高要人。少為盜。後投廣西提督向榮部下。會洪逆亂。隨征湖南數省。所向無敵。由偏裨擢提督。幫辦江南軍務。東南倚若長城。會榮卒。詔代統江南大營。築長圍困金陵。援賊大至。欽差大臣和春齟齬之。不發餉。遂退駐丹陽。鎮江屬賊出犯鎮江。國樑親援之。賊猛攻鍾山。和春遁。軍大潰。國樑馳回丹陽。遇賊大戰。傷重。躍馬入丹陽河死。文宗悼惜之。諡忠武。

廣東鄉土史教科書

卷下

六

第三十二課 駱秉章

駱秉章。花縣人。咸豐二年。巡撫湖南。時曾國藩以侍郎辦鄉團。勦髮逆。秉章悉力資給焉。又延舉人左宗棠入幕。軍事一以諮之。湖南之強自此始。九年。逆酋

石達開圍寶慶。

府屬湖南

檄諸軍擊走之。同治二年。總督

四川率湘軍斬石黨賴裕新於甯遠。

屬川

策石酋必再

至。豫為備。後果越冕甯。

屬川

窺大渡河。諸軍遮擊。賊盡

弱死。擒達開。誅之。蜀人比之漢諸葛亮。唐韋臯云。



第三十三課 陳金缸之亂

三水賊陳金缸業極桶咸豐四年紅巾賊起金缸嘯聚三水英德間與其黨鄭金劉超等數萬人陷開建及廣西懷賀二縣踞之潛僞號逼民蓄髮四出攻剽兩粵騷動十年經官軍擊定復由廣西潯梧竄陷信宜縣連犯高羅各郡師老饑匱迄無成功同治二年提督崑壽督師高州十旬克之逆黨鄭金等斬金缸以降金後改名紹忠官至提督

廣東鄉土史教科書

卷下

十七

第三十四課 鄧世昌

甲午之役我軍與日本以艦隊戰於黃海番禺鄧世昌管帶致遠鋼甲艦隸海軍提督丁汝昌部下日艦至世昌督艦猛攻受重傷遂開足汽機向日艦飛駛欲撞與同沈未至而溺世昌死之艦中二百五十人同殉焉管帶濟遠艦方伯謙及洋將漢納根等先遁丁汝昌遁入劉公島仰藥死是役也以世昌死事爲最烈云世昌後諡壯節

第三十五課 國朝諸儒之學

國初理學推新會胡方註易及四書多精義學使惠士奇稱爲白沙後一人時南海馮經亦能覃精漢唐義疏東莞鄧淳著乾惕錄由白沙陽明專治程朱嘉道間阮元督粵盛倡經術南海曾釗番禺林伯桐侯康張杓之著述皆傳誦一時近則以番禺陳澧南海朱次琦爲最澧以漢儒不廢義理宋儒兼精考證故所學務通其門戶次琦亦兼治漢宋與澧差同

廣東鄉土史教科書

卷下

六

第三十六課 國朝之文學美術

國朝詩人推南海梁佩蘭程可則番禺屈大均方殿元順德陳恭尹諸家後有順德胡亦常黎簡張錦芳欽州馮敏昌嘉應宋湘番禺張維屏陽春譚敬昭香山黃培芳皆著嘉應楊仲興吳蘭修始興林明倫海康陳昌齊鶴山吳應達南海譚瑩番禺李光廷虞必芳皆工文黎簡黃培芳及南海謝蘭生番禺陳璞皆工畫馮敏昌宋湘南海吳榮光番禺黃子高皆工書



第三十七課 國朝諸祿術家

我粵嘉慶以前。尠有明祿術者。惟順德何夢瑤纂輯諸書。著算迪十二卷。學風遂開。厥後嘉應吳蘭修。張其翮。番禺梁漢鵬。陳寶興。陳澧。侯度。順德黎應南。南海鄒伯奇。著述甚夥。蘭修明古法。漢鵬善教授。兼通物理。能製火藥。應南亦得捷法。澧所著極簡要。而伯奇尤精湛。不落陳言。爲專門之詣。其弟子南海伊德齡。關繼。孔繼藩等。均有名。

廣東鄉土史教科書

卷下

十九

第三十八課 廣州灣等地之割借

自中日馬關訂約。俄逼日還我遼東。見好於我。暗索重酬。光緒二十三年。法人以德據膠州。俄租旅大。英租威海衛。遂強借我雷州海口之廣州灣。訂約以二十五年爲期。英人又以法借廣州灣。將危香港。遂更借九龍。九十九年爲抵制。遂溪雷州新安土人奮起攻逐之。均不克。英且議設船塢造兵廠於香港。建石炭庫製鐵場於九龍。法又於內地推廣郵政焉。

第三十九課 廣東近日新政

吾粵逼近南洋。首先通商。為歐洲。東來衝途。故文明輸入較早於腹地諸省。庚子以後。迭奉明詔。興學。

官立文武等學堂。均已陸續成立。私立者亦日多。他

如設水陸巡警。立商會。闢商埠。築隄岸。改監獄。興工

藝。亦漸有成效。粵漢鐵路支線。可由省城石圍塘為站頭至

三水。今已向美國贖回。自辦。指日可望竣工。若潮汕

新甯。廣廈。省澳。廣九等鐵路。大約亦不久妥辦矣。

廣東鄉土史教科書

卷下

三十一

第四十課 馮夏威

初美與我訂約。徇其國王黨意。禁華工入境。凡至美

者。又加苛例。繩之。粵民多僑居彼地者。故受虐獨甚。

近約期已滿。我國人力陳於政府。請除其禁。且相戒

不用美貨為抵制。有馮夏威者。南海人。少游金山。美屬

光緒三十一年。由美返粵。憤工禁未開。遂親詣上海

美領事署前。仰藥死。人覽其遺書。咸嘉其義。上海廣

東等處。特設會追悼。其鄉人且擬鑄銅像為紀念云。



光緒三十二年歲次丙午三月出版

定價售洋叁角

書經  
存案  
翻印  
必究

發起人

香山黃映奎

編輯者

香山黃佛頤

刷印所

粵城時中學校

發行所

粵城時中學校

分售處

雙門底各書店

廣東鄉土史教科書

卷下

三

